



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. IV. De Juramenti Obligatione.

urn:nbn:de:hbz:466:1-40673

tes propter commune bonum.

Utrum autem obliget juramentum contra legem civilem, quæ spectat primario ad bonum privatum ipsius jurantis, & non vergit in præjudicium tertii? Affirmat universum Sanch., quia quilibet potest cedere juri suo; Propterea quamvis lex civilis irritet donationes inter conjuges, & contratum minoris sine Curatore, necnon promissionem, qua foemina obligat se non regressuram amplius ad bona paterna; at juramentum contra has leges obligat; Unde fit quod donatio inter conjuges jure civili irrita, juramento firmata sit valida.

Verum Tambur. cap. 3. §. 5. ex Pal. distinguit; Nam vel tales leges aliquid prohibent, aut præcipiunt; vel solum permittunt: Contra leges prohibentes, aut præcipientes, docet juramentum non obligare, contra permittentes vero obligare: Verbi gratia, prohibet lex civilis, ne fundus dotalis a muliere alienetur, & permittit, quod fundus alienatus non repertatur, ideo si mulier juret alienare, non tenetur; si juret vero non repetrere fundum alienatum, tenetur. Eodem modo lex civilis prohibet, ne ludens pecunia credita solvat, quod amittit: Quare si quis juret solvere, non tenetur; Si vero solvit, & juret non repetrere, tenetur; quia id lex permittit. Jurans autem solvere usuras, aut pecuniam latroni tenetur; quia leges id permittunt solventi, & solum prohibent usuratio, & latroni.

VIII. Sequitur ultimo, juramentum de non acceptando Episcopatu, factum vel ex consideratione propriæ insufficientiae, vel ex affectu humilitatis, esse validum: Contra si fiat ex fuga incommodi, quod debet subire Episcopus in pascendo grege. Ratio est, quia in hoc secundo casu juramentum esset de re impeditiva majoris boni, ex D.Th. 2. 2. quæst. 185. art. 1.; In primo vero casu,

non sic; & ideo Professi Societatis tale votum emittunt; nec dici potest esse invalidum, quando tale institutum a Pontificibus approbatum est, & illud impugnantes excommunicantur.

ARTICULUS IV.

De Juramenti Obligatione.

- I. Qui jurat sine animo jurandi, secundum se peccat graviter: sicut etiam qui jurat sine intentione se obligandi.
- II. Quando nam possit sine mendacio, & perjurio quis jurare, utendo equivocatione, aut restrictione non pure materiali, sive locutione materiali?
- III. Juramentum, sicut & votum, non obligat, si dolus, aut error dans illa causam versetur circa substantiam rei, aut circa circumstantias notabiles, quæ in ipsam rei substantiam redundent; secus vero si versetur circa circumstantias parvi ponderis.
- IV. Est paruer invalidum juramentum, & votum, si error dans causam contractui versetur circa causam finalem, (quod verum est, etiam si error in concomitans,) non tamen si error incidat in contractum, & versetur circa causam impulsivam.
- V. Error tamen circa qualitates magni ponderis, & circa causam finalem non invalidat Professionem Religiam; sicut nec matrimonium, aut susceptionem Ordinis Sacri, nisi exprimatur.
- VI. Qui juravit, vel votit, & dubitauit an haberit animum se obligandi, probabilitus obligatur. Qui tamen juravit se non iusserum, praescindendo a lusu moderato, vel immoderato, poterit lusu moderato ludere.
- VII. Juramentum metu extortum obligat pro foro interno, non pro externo. Et nisi a Prelato ex iusta causa relaxatur, ponit deber, quantumvis arduum sit, quod juratum est, si circa cul-

culpam ponit potest.

VIII. Matrimonium, & votum extorta metu gravi injusto ideo sunt irrita, quia jure Ecclesiastico irritantur; Juramentum tamen hujusmodi ab Ecclesia non irritatur.

I. Quæritur primo; An obliget juramentum factum animo ficto? Respondeo, & dico primo, jurantem sine animo jurandi, si intendat rem falsam confirmare juramento, peccare graviter, ut notat Bonac. quæst. I. punct. 7., & Trull. lib. I. cap. I. dub. 10. ex Lef. Ratio est, quia externo actu adducit Deum in testem falsi, quod est gravis irreverentia; non secus ac exterius sacrificare Idolo. Et eodem modo peccat graviter, qui jurat sine animo jurandi, quando rationabiliter exigitur juramentum; quia intercedit gravis deceptio contraria fini juramenti. Si vero iurans non intendat referre juramentum ad rem illam falsam, sed velit vel equivocare, vel loqui materialiter, non erit mortale, quando non exigitur juramentum rationabiliter, sed per injuriam extorquetur, & falsitas est omnino occulta, ut docent nonnulli apud Lef. cap. 42. dub. 8.

Dico secundo, jurantem sine animo jurandi, vel cum expressa intentione non se obligandi peccare quidem graviter, ut diximus, quia deest veritas præfens; jurat enim se facturum, quod non intendit facere. Verum non obligatur vi juramenti; deficiente enim intentione jurandi, non habetur juramentum, & deficiente intentione se obligandi, nec obligatur; quia Deus non acceptat juramentum, nisi secundum hominis intentionem. Ita communiter apud Dian. part. 5. tract. 14. resol. 33. Cogitur tamen iste in foro externo juramentum servare, & tenetur etiam in conscientia, si adsit scandalum, aut si intercedat damnum tertii.

Ratio est, quia si adsit scandalum, tenetur illud vitare, & si interveniat damnum tertii, tenetur illud resarcire; eo quod per talen fictionem delinquatur contra justitiam.

Ex dictis sequitur, quod promissio liberalis jurata ficte, secluso scando, aut damno, non pariat obligationem executionis, neque ex capite Religiosi, quia non interfuit juramentum; neque ex virtute justitiae, quia promissio ista ficta non peperit ullum damnum proximo, quamvis afferat cessationem luci: Contra vero si quis ficte promisit cum juramento matrimonium, quia talis contractus est onerosus, tenetur uterque ex justitia pone re verum consensum, atque adeo decipiens tenetur ad matrimonium, ut dicemus in de sponsalibus cum Vasq. disp. 6. n. 36., Pontio, Ledesma apud Sanch. lib. I. disp. 10.; Etenim in omnibus contractibus onerosis, ubi alter ex sua parte implevit, tenetur alter implere, quamvis ficte contraxerit, eo quod teneatur ex justitia vere contrahere. Quare cum mulier jam impleverit tradendo jus ad corpus, tenetur fictus promissor implere eam du cendo. Sanch. loco laudato n. 26. speculative loquendo putat probabilem esse, quod secluso damno non teneatur fictus promissor matrimonii illud implere. At disp. 11. n. 3. docet, semper ex hac ficta promissione sequi notabile damnum alteri vere promitten ti, ac proinde in praxi ad matrimonium obligari.

II. Quæritur secundo; An possimus jurando uti equivocatione, vel restrictione mentali?

Respondeo, damnatam esse ab Innoc. XI. propos. 26., ex qua sequitur, jurantem cum restrictione pure mentali mentiri, & esse perjurum. Quamvis autem non licet uti restrictione pure mentali, possimus tamen aliquando uti liceite equivocatione in

ju-

juramento, aut restrictione non pure mentali, prout explicavimus in Trutina exponendo hanc thesim proscrip-
tam; quando scilicet adeat justa cau-
sa: Verbi gratia, quando juramento promittimus aliquid latroni; vel quando quis a suo judice non interrogatur juridice; aut quando habet justam causam non ferendi testimonium in judicio, vel quia timet sibi grave malum, vel quia crimen est occultum; si tunc cum juramento neget tale crimen, non mentitur, nec est perjurus, quia respondet ad mentem interrogantis, juxta explicata loco laudato, & ita respondendo non jurat falsum: Eodem modo qui obiter pertransit e loco peste infecto, ita ut constet nullum omnino esse periculum, quod pestem contraxerit, poterit ex Tolet., Bonac., & aliis apud Dian. part. 3. tract. 6. resol. 30. cum juramento negare, quod e tali loco (ideat peste infecto) veniat, quia respondet ad debitam intentionem interrogantis; Sicut si habeas penes te centum aureos Titii, & alter petat a te mutuos centum, sine mendacio dicis, Te non habere nūmmos, quia cum non sint tui illi, quos habes, bene respondes ad mentem interrogantis. Sic ex Tambur. lib. 3. cap. 4. cum communi Doctorum excusat, qui cum juramento negat, se commisisse homicidium, quod sine culpa commisit; necnon qui negat adulterium, quod commisit occulte; sic enim jurare cum æquivocatione non est pejare, nec uti restrictione pure mentali, sed ad mentem boni, & iusti judicis respondere. Pariter Clericus interrogatus in porta Civitatis, num ferat secum aliquid spectans ad gabellam, potest cum juramento negare; cum non teneatur gabellam solvere, Sic Confessarius interrogatus, an audi-
erit peccatum in confessione, potest cum juramento negare, & iterum interrogatus, an in tali responsione

utatur æquivocatione, potest etiam negare; quia in tali casu vel respon-
det ad mentem debitam interrogan-
tis, negando se habere scientiam de
tali re communicabilem; vel loquitur
tantum materialiter. Sic qui aliquid abscondit ad sui sustentationem, inter-
rogatus a judice, potest cum juramen-
to negare, quod aliquid absconderit;
Et pœnitens temere rogatus, an tale
peccatum confessus sit, potest negare,
ut notat Henr. lib. 6. de Pœnit. cap. 19.;
Sicut etiam adultera, si a marito roge-
tur, an adulteraverit, ex Navar. & Laym:
Similiter si pauper excusat a solven-
do debito propter paupertatem, & a
judice iniquo prematur ad solutionem,
interrogatus a tali judice, potest jura-
re se nihil debere, nec pecuniam a
creditore accepisse, quia respondet
ad mentem debitam interrogantis,
dum dicit se non accepisse pecuniam,
ita scilicet ut statim debeat solvere.
Ita Sanch. lib. 3. cap. 6. num. 32.. Et
qui ficte matrimonium promisit, pot-
est interrogatus a judice negare, quod ve-
re non commisit, ut notat Leff. lib. 2.
cap. 31. num. 14.

Admittit etiam Sanch. loc. cit., Bo-
nac., Sylvest., & alii apud Trull. dub.
15. num. 12., & Dian. part. 2. tract.
6. resol. 30. quod si quis petat a te pec-
uniam mutuam, aut librum, potes cum
juramento negare, quod habeas, si
scilicet non potes commode mutuare,
quia sic respondes ad mentem debi-
tam petentis.

Rogabis, mortaliterne, an venialiter
peccet, qui joco utitur restrictione non
pure mentali, vel æquivocatione juran-
do sine necessitate; Verbi gratia, qui
dicit Pontificem fuisse suspensum, in-
telligendo ejus imaginem,

Rc-

Respondeo, Armil., Sayr., Navar., Tolet., & alios apud Bonac. putare, quod peccet mortaliter, qui jurat in re falsa. Mihi tamen videtur distinguendum; nam si utatur restrictione pure mentali, peccat mortaliter, quia vere mentitur, & est perjurus, juxta thesim damnatam ab Innoc. XI.; Si vero utatur æquivocatione, aut restrictione non pure mentali, quatenus ex circumstantiis colligi facile potest, quod non sit sermo de persona, sed de imagine Pontificis; cum non mentiatur, nec juret falsum, dicendum, quod solum venialiter peccet, si non temere, sed ex aliqua causa id fiat.

III. Quaritur tertio, An juramentum, vel votum dolo, aut errore emissum obliget?

Respondeo, recolendum esse, quod dolus, & error alius est in substantia rei; alius in qualitatibus: Alius dat causam contractui, seu versatur circa causam finalē, quo scilicet deprehensio contractus, & juramentum secundum prudentem estimationem non fieret; Alius incidit in contractum, seu versatur circa causam impulsivam, quo scilicet deprehensio adhuc fieret contractus, & juramentum, licet diversimode. His positis

Dico primo, si dolus, aut error sit circa substantiam rei, verbi gratia, si quis juret se daturum rem aliquam, quam putat vitream, & reperit esse gemineam, juramentum non obligat, quia scilicet deficit consensus, seu intentio jurandi; nihil enim est magis contrarium consensui, quam talis error: Sic qui vovet ingredi Religionem, ignorans illam esse perpetuam, nulliter vovet, quia talis error pertinet ad substantiam rei.

Dico secundo: Est pariter nullum juramentum, & votum, quoties error est circa qualitates, seu circumstantias, & accidentia, quae sint tanti ponderis, ut in ipsum voti objectum, & substan-

Pars II.

tiam videantur redundare. Ratio est, quia talis error videtur potius esse circa substantiam, quam circa circumstantias: Exempli gratia, si quis vovert peregrinationem ad loca Sancta, putans quod ea non longe distent; si deinde deprehendat ea longissime distare, non tenetur tali voto: Contra vero si circumstantiae sint parvi ponderis, votum est validum; verbi gratia, si voveas dare eleemosynam Tito, quem putas Sacerdotem, cum tamen non sit.

IV. Dico tertio, est etiam invalidum juramentum, & votum, si error det causam contractui, seu si versetur circa causam finalē; ut si quis juret se empturum domum, quam putat aptam ad habitandum, & deinde compriat illam esse in fundamentis vitiosam; Sic qui juravit stare contractui venditionis, & postea deprehendit se notabiliter lassum in defectu pretii, juramentum non obligat, & potest æqualitatem pretii sibi procurare; juramentum enim factum fuit cum errore circa causam finalē, ideo enim juravit, quia putavit contractum fuisse justum. Idque verum est ex Suar., Sanch., Bonac. disp. 4. quæst. 1. punct. 8. contra Trull. cap. 1. dub. 2., etiamsi talis error sit concomitans, seu etiamsi verum esset, quod deprehenso tali errore adhuc jurasset; etenim consensus ille conditionatus non ponit obligationem absolutam, ut communiter dicunt Doctores in simili de Matrimonio; si enim error sit circa substantiam, verbi gratia contrahendo cum Lia, quam puto Racheli, matrimonium est invalidum; etiamsi verum sit, quod si cognoscerem illam esse Liam, adhuc contraherem.

Ubi notandum, quod non solum juramentum, & votum, sed etiam omnes contractus (excepto matrimonio) sunt invalidi, si dolus, & error sit circa causam finalē; non quidem jure

O natu-

naturæ; nam sic neque matrimonium esset validum, sed jure positivo, ut dicemus suo loco.

Dico quarto, quando error incidit in contractum, & est circa causam impulsivam, seu est talis, ut adhuc eo deprehenso communiter soleant homines jurare, vovere, contrahere, in tali casu juramentum, votum, & contractus cum tali errore præstata sunt valida, cum non desit consensus sufficiens.

Dico quinto cum Tambur. cap. 3. §. 5. ex Pal.; Quando error est tantum circa qualitates in Professione religiosa, sicut etiam in matrimonio, & in iis, quæ pertinent ad statum aliquem perpetuum assumendum, videlicet in susceptione Sacrorum Ordinum, &c., nisi quis expresse dicat se nolle vovere, aut contrahere non posita tali qualitate, votum, & contractus sunt valida, etiam si qualitates sint magni ponderis, & error sit circa causam finalē. Unde si quis promittat cum juramento matrimonium puellæ, quam putat virginem, nobilem, divitem, nisi expresse dicat se nolle contrahere sine his qualitatibus, contractus, & juramentum obligant, etiam si desint tales qualitates. Sic qui ære alieno gravatus, aut laborans morbo gallico, si interrogatus a Prælato, occultat debita, aut morbum, & profitetur, Professio religiosa est valida, quamvis Prælatus illum non acceptasset, si ejus debita novisset; ut præcipit Clemens VIII., qui sustulit ab his incapacitatem ad profitendum impositam a Sixto V. Eodem modo Episcopus quamvis prohibeat, verbi gratia, excommunicatum ordinari, tamen si illum ordinat, valide ordinat, nisi expresse dicat, Ordino te, si non es excommunicatus; Et qui profitetur in Religione Minimorum ignorans illos abstinere ab esu carnium, valide profitetur, nisi aliud exprimat. Ratio horum omnium est, quia ex com-

muniter contingentibus præsumitur, quod absolute ponatur consensus in his casibus pertinentibus ad statum perpetuum assumendum, nisi expresse ponatur conditio contraria.

VI. Quæritur quarto, An teneatur implere juramentum, vel votum, qui postquam juravit, dubitat, an habuerit animum se obligandi?

Respondeo, Sanch., & Bonac. cum communi affirmare; tum quia possesso stat pro juramento; pro illo enim stat possesso, pro quo stat juris præsumptio; Tum etiam quia probato factō præsumitur intervenisse omnia requisita ad factū, ex cap. In præmia, de Probation. Verum Tambur. lib. I. cap. 3. §. 2. V. Votum ex Caram., & Leon. putat non esse improbatum, quod non tenearis; quia dum dubitatur de substantia promissionis, possidet libertas in foro interno, quamvis in foro externo possideat juramentum. Quæ sententia magis habet locum, si juramentum fuit emissum ex metu gravi, ut notant nonnulli apud Sanch., quia non præsumitur in tali casu animus se obligandi. Præterea Tambur. lib. 3. cap. 3. §. 5. docet, quod si jurasti non ludere, nihil cogitando, an de ludo immoderato, & periculo dumtaxat, an etiam de moderato intellexeris, non tenearis abstinere a ludo moderato, quia ex leg. *Quicquid, de Verbor. significat.* interpretatio juramenti ita fieri debet, ut minorem, quæ fieri potest, obligacionem inducat.

VII. Quæritur quinto, An juramentum metu extortum obliget?

Respondeo cum communi apud Less. cap. 42. dub. 6. contra nonnullos, obligare in foro interno, si factum sit animo se obligandi; quia tenemur efficere, ut verum sit, quod juramus, ne Deus adducatur in testem falsi: Et quamvis promissio per vim extorta, utpote non sufficienter libera, ex se non ob-

obliget juxta multorum sententiam apud Trull. hic dub. 12., obligat tamen ratione juramenti in foro interno; Quamvis in foro externo tale juramentum non obliget, quia præsumitur non esse factum animo jurandi, ex cap. Verum, de Juram.

Hinc sequitur primo, quod qui juravit solvere usuras, teneatur vel ilias solvere, vel petere relaxationem juramenti, ex cap. Ad audienciam, de iis qua vi: Quamvis si solvat, possit illas in judicio repetere, vel si id non possit, per occultam compensacionem.

Sequitur secundo, quod si quis promiserit sine juramento per gravem metum, verbi gratia redire in carcerem, non teneatur; eo quod promissio non fuerit sufficienter libera; si vero juraverit, teneatur redire, non solum si carcer sit justus, quod omnes concedunt; sed etiam si sit injustus, & periculosus, videlicet vel tyrannii, vel judicis incompetens, nisi relaxacionem obtineat, aut nisi tempore juramenti fuerit inscius tanti periculi; cum juramentum, & votum habeant semper tacitam illam conditionem, nisi notabilis mutatio superveniat, aut de novo appareat. Ita Less., Suar., & alii communius contra Navar., Vasq., Reginald., qui putant in tali casu non teneri; quia nemo potest se ipsum occidere, sed quisquis tenetur propriæ vita consulere: Immo nonnulli apud Tambur. putant peccare, si redeat, quia opus est temeritatis sine necessitate offerre se morti. Ad quod tamen respondent Suar., & Less., quod licet nemo possit immediate se ipsum occidere, potest tamen ex iusta causa exponere se periculo mortis, ut in hoc casu; iusta enim causa est, ut fidelitas, & veritas juramenti servetur: Quod confirmatur a Laym., quia Princeps peccat permittendo Hebreis sine necessitate libertatem suo-

rum rituum; at si id juravit, obligatur juramentum servare, (non secus ac obligatur vi juramenti usuras solvere, qui juratus illas promisit) ne cum danno commercii fides humana rumpatur; ita in casu nostro.

VIII. Oppones: Matrimonium, sicut & votum factum metu gravi inuste incusso ad illud extorquendum est irritum; ergo etiam simile juramentum.

Respondeo, concessso antecedente. negatur consequentia. Disparitas est, quia Ecclesia matrimonium, & votum irritavit, non tamen juramentum, ut notat Sanch. lib. 3. de opere morali cap. 2.. Cum enim votum fiat Deo, & juramentum homini, facilius oritur scandalum, si juramentum homini factum non servetur, quam si non servetur votum factum Deo; & ideo votum meticulosum, non juramentum irritatum est ab Ecclesia: Quamvis Sot., & alii apud Sanch. lib. 4. de Matrim. disp. 5.. contra communiores putent, votum meticulosum non solum jure Ecclesiastico, sed etiam naturali esse irritum; Sylvest. vero, & Suar. lib. de Voto cap. 8. putant solum votum solempne professionis, & simplex Religionis metu extorta irritari ab Ecclesia. Sed communior sententia apud Bonac. disp. 4 quæst. 2. punct. 3. docet, omne votum meticulosum ab Ecclesia irritari; tum quia si irritatur votum solempne, a fortiori irritatur quodvis votum simplex, quod non adducit obligationem adeo gravem; tum etiam quia in cap. Cum dilectus, de iis qua vi, decernitur votum fuisse validum; quia non fuit factum per metum gravem; ergo a contrario sensu votum factum per metum gravem non est validum.

Demum inquirendum esset, An juramentum confirmet contractus, ita ut contractus de se invalidi, aut rescindendi vi juramenti, tribuant alte-

O 2 ri

ri jus justitiae. Verum quia quæstio hæc perplexe nimis ab auctoribus agitatur, ut notat Tambur. lib. 3. cap. 3. §. 6., ideo commodius de hoc Deo dante cum de Contractibus nonnulla dicemus; & fuse de hoc diximus in primo ex Opusculis Theologico-Moralibus de Principiis Moralitatis.

ARTICULUS V.

Quomodo quædam celebriora Jura-
menta interpretanda sint.

I. Prima regula servanda, quod juramen-
tum, quantum fieri potest, minus
obliget servata verborum proprie-
tate. Altera, quod cadens supra pro-
missionem, hujus naturam sequan-
tur.

II. Juramentum de non ludendo secun-
dum se intelligitur de ludo illico.

III. Qui jurat se soluturum debita intra
mensem, prorogato tempore de con-
sensu creditoris, non tenerur amplius
ut juramenti.

IV. Juramentum Medicorum de non vi-
sitandis post tertium diem infirmis,
nisi confessionem preuiserint, quo-
modo intelligendum est?

V. Si quis jurat se duceturum Bertam
divitem, & sanam, non teneatur eam
ducere, si incidat in gravem agri-
tudinem, & paupertatem.

VI. Qui promittit aliquid Tilio cum ju-
ramento, non teneatur, si ille fiat
ingratius, aut frangat fidem datam.

VII. Si quis juratus promittat aliquid
absenti, potest promissionem revoca-
re, antequam accepientur. Pariformiter
discurrendum de pluribus aliis
juramentis, quo passim sunt.

I. **U**niversim duæ regulæ hac in re
affiguntur. Prima est, quod in dubio, seu quando non constat de
mente jurantis, juramentum interpre-
tandum sit, itaut, quantum fieri pos-

fit, minus obliget servata verborum
proprietate. Secunda regula est, quod
juramentum cadens supra propositum,
vel promissionem habentem tacitam
conditionem, vel ex mente jurantis,
vel ex consuetudine jam recepta, vel
ex dispositione legis, explicandum sit
eo modo, quo ipsa promissio explic-
atur, idest cum eadē conditione:
Etenim juramentum sortitur naturam
actus, supra quem cadit, ex leg. i.
cod. de Non numerata pecunia; & cum
juramentum sit accessorium, sequi de-
bet naturam principalis, ex reg. 42. ju-
ris in 6.

II. Ex prima regula infertur primo
ex Sanch. apud Bonac. punct. 17.,
quod in dubio de mente jurantis ju-
ramentum non ludendi interpretan-
dum sit de ludo illico, non de lici-
to, qui recreationis causa suscipitur.

III. Infertur secundo ex Less. cap.
42. num. 57. contra Sanch., & Bo-
nac., quod si jurasti solvere intra men-
sem, prorogato termino a creditore,
non teneris amplius ex vi juramenti,
sed solum ex vi pacti: Sicut etiam com-
promissarii, qui jurant se non recep-
turos a sententia certa die ab Arbit-
ris danda, prorogata die de consen-
su partium, non tenentur amplius vi
juramenti, ut putat Azor. contra eod-
em.

IV. Infertur tertio, juramentum Me-
dicorum de admonendis infirmis, ut
confiteantur, & de non visitandis il-
lis post tertium diem non facta con-
fessione, Primo non obligare, ubi
ubi non est receptum hoc decretum
Pii V.; quia juramentum censetur fa-
ctum de servando decreto, quatenus
obligat. Secundo, ubi est receptum,
obligat medicos, si speretur, immo-
etiam si dubitetur, quod admonitio
sit profutura, secus vero non obligat,
quia nemo obligatur ad inutile, ut
dicitur cum de correctione fraterna.
Tertio, obligat solum dum morbus
est